

पिपल पुस्तकको बारेमा

यो ग्रन्थमाला भाषानुभव विधिबाट तयार गरिएको हो । यस विधिमा लेखकले मौखिक रूपमा भनेको कथालाई अर्को व्यक्तिले जस्ताको तस्तै लेखेर कथा तयार पार्दछ ।

यस किसिमका कथाहरू सत्य घटनामा आधारित हुनुका साथै गाउँका मानिसहरूको अनुभवसँग मेल खाने हुनाले उनीहरूले यसमा बढी चासो लिन्छन् । वास्तविक मौखिक वाचन प्रवाहबाट बनेका यस्ता कथाहरू पढ्दा नव साक्षर प्रौढहरूले पछि आउने घटनाको अड्कल पहिले नै पाउँछन् जसबाट उनीहरूको आत्म विश्वास र वाचन प्रवाह बढ्दै जान्छ ।

केवल सामान्य सम्पादन गरिएको हुँदा मौखिक भाषामा हुने गुणहरू जस्तै- ठाउँ ठाउँको बोलाई विभिन्नता, भरा शब्दहरू, सरल वाक्यहरू यथावत रहेका छन् । यो ग्रन्थमालाले नव साक्षर प्रौढ पाठकहरूलाई बोली-चालीको भाषाबाट कुशलतापूर्वक किताबी भाषामा लैजान चाहन्छ । जब उनीहरूमा पढ्ने बानी बस्तै जान्छ, परिष्कृत शैलीका नयाँ नयाँ लेखहरू पनि पढ्न सक्ने हुन्छन् ।

प्रत्येक शीर्षक छुट्टा छुट्टै भएतापनि १०० वटा जति शीर्षकमा तयार गरिने यस ग्रन्थमालामा प्रयोग भएका भाषाका विभिन्न रूप, शैली, र संरचनाको माध्यमबाट नव साक्षर पाठकहरूले भाषाको विकास गर्न सक्दछन् भन्ने विश्वास गरिएको छ ।





वाला छोन्ना किताब ख्यात्वारी ल्हानन सजिलो मुला।
नेत हडबा छोन्ना किताब उदि सजिलो मुला।
पिड छोन्ना किताब उदि गाहो मुला।
पिड पिडबा छोन्ना किताब ज्युना लसी ख्यात्वा डोबा
लखम्बा मिह जेसे ख्यात्खम्ला।

चु किताब नेत हडबा छोन्ना हिन्ना।
चु किताबरी म्रिडम्हेमाधुगुला ताम मुला

चित्र: काष्ठमण्डप आर्ट

The Information of This Book

The language of this book: Eastern Tamang

Nepali title: Sudeni

English title: Traditional Birth Attendance

Translated by: Basun Lama from Sindupalchok District &
with Help & Care Project in Dhulikhel

This book is available in other language(s): Nepali, Magar

Copy: 500

सुडेनी



आमा कोलाला जिउदा
ज्याना तगै भिसी
ज्याना लसी सुत्केरी लबा
म्रिडम्हेमाला कथा

सुडेनी

(कोला याङ्मा होलबा मिङ्ग्म्हेमा)

डला मिन देव लक्ष्मी थिङ्ग हिन्ना। ड
दन्दे ६८ बर्षला तजी। डला व्याह १३ बर्षला
बेलारी तबा हिन्ना।

डइ १६ बर्ष तमा डला कोला न्हजी।
डला जा डा, भामे डु न्हबा मुबा। होदेरी
भामे सोम आसोनी।

सोबा भामेकतेरी गिक अनमी मुला।
अर्गु चै आमदेन कोलाला स्वास्थ्यला ग्यात
लबा मुला।



भामे डच्यड्ला व्याह लसी जिह्न्जी।
थेला व्याह २५ बर्षला उमेररी तबा हिन्ना।

जाकते जम्मन सोबा मुला। होजाकतेरी
गोर नी जा याम्बुरी सि.एम.ए ख्यात्वारी
निबा मुला।

डला हेम्बो धामी बोन्बोला ग्यात लबा
मुला। तसैनोन आखिरी तमा स्हुखबा मिहदा
स्वास्थ्य चौकीरी निबारी सल्लाह पिन्बा
लमुला।

डइ १८ बर्ष डाच्छा सुडेनीला तालिम
किन्बा हिन्ना।


होजा बेलारी तलिम सि.डि.एच.पि
(समुहला विकाश लबा स्वास्थ्य
परियोजना) से पिन्बा मुबा।

सि.डि.एच.पि
(C.D.H.P)
तालिम कार्यक्रम




४

होजा तालिम किन्बा भन्दा डाच्छान डु
नाम्साल खलै सुत्केरी तमा हो लबा ग्यात
लमुबा।



५



तालिम किन्माहेन्छे ड आमदेन कोलाला मेडिकल(जाचब लबा ग्ला)री निबारी ओड्जी। होजारी गर्भवती म्रिडमेमादा खहड लसी जाचब लबा भिसी लोप्जी।

होजा बेलारी डङ्ड अर्ग ग्लारी सुडेनीकतेदेन सेबा घोबा मौका स्याप्जी। होजा तालिमरी जजा उमेरला सुडेनी गिक फेप्खजी। होसे डंदा ल्हानन ताम लोप्सी स्युजी।

होसे ११० म्हिकत्दा सुत्केरी लबारी डंदा हो लबा मुबा।

गर्भवती(जीउन्हीला) म्रिडमेमादा महिना कोइसी व्यथा लगधिमाहेन्छे कोला न्हबा भिबा आरे। तिबरी भिसम ल्हानन रेड्बा बेला दोनन व्यथा तबारी खम्बा मुला।


टु खबा मुसम योना लसी कयुइ पयोना
लदोबा मुला। सुत्केरी लबा मिसे हड़ला या
साबुन कयुइसे ज्याना लसी खुदोबा मुला।
सुत्केरी लबारी सामानकतेनोन सफा लदोबा
मुला।



डु सुत्केरी लबारी निमा डाढ्हा
गर्भवती मिडम्हेमादा टु खबा मुला कि आरे
भिसी च्याबा मुला।



सुत्केरी लसी डङ खाइमै पैसा किन्बा
लबा आरे। खाइमा खाइमा चबा स्हे पिन्मा
चबा मुला।



लहानन हड नाम्साला म्हिंगकते दुःख
याड्बा मुला। चबारीएन दुःख मुला।

होजा बेलारी कोला न्हमा हान्छे
सुत्केरीदा चबारी पिन्बा कि सुडेनीदा चबारी
पिन्सै भिसी ताम तमुला।

सुत्केरीदान चदोबासेलमा डङ तिकलै
आयाड्सै सन्तोक तबा मुला।

तर सुत्केरी समान ग्लुसी चलब
लदोबासेलमा सुत्केरी समानला पैसा किन्बा
लमुला।

ड़इ सुडेनीला ग्यात लसी ड़ला नाम्सारी
आमदेन कोलाला स्वास्थ्यरी ल्हानन ज्याबा
तबा मुला।



ड़ला नाम्सारी भर्खर केबा कोलकते
आसिबा च्युइ दिडं ते तसी जिह्न्जी।

२० बर्ष डाच्छा म्रिडम्हेमा गिकला
कोला न्हमा ल्हानन का बगब तसी म्हेला
गोठेरी सिबा मुबा।

तिनड़गर नाम्साला म्हिकत्दा सुत्केरी
लबारी म्हेला गोठे हाइन, सफा (ज्याबा) ग्ला
तोबा मुला भिबा ताम था मुला।


ड़इ सुडेनीला ग्यात लबा तिनी चुतेला
बर्ष तसी जिह्न्जी। तर खाइमा खाइमा जेन
सुत्केरी ल आखम्बा बेला खबा मुला।
ओसबा गाहो तमा ड़इ स्हुखबा म्हिदा डम्ला
स्वास्थ्य चौकीरी पित्बा लबा मुला।

ड तामाड तसैनोन डंदा बाहुन, क्षेत्रीला
धिमरी सुत्केरी लबारी होत्वारी खबा मुला।

बाहुन, क्षेत्रीला धिमरी कोलाला पेदे
थामा हेन्छे कोलदा थुरबारी आपिन्बा मुला।
तर ड धिमला फिरकेब चिसी थेनकत्दा
आखिरी तबा ताम सल्लाह पिन्बा लमुला।

खाइमा खाइमा कोलाला पेदे थासी
जिह्न्सीएन डंला लहानन आखिरी तबा मुला।
होजा बेलारी जहानगकतेसे सुत्केरीला लि
तुम्सी पिन्मुबा।

तिबरी भिसम सुडेनी अर्गु जातला म्हि
भिबा था आयाड्गै भिसी।



सुत्केरी लसी जिहन्माहेन्छे डङ्ड आमदेन
 कोलाला स्याहार खहड लसी लबा,
 कोलकत्ता छयुगु खहड लसी फोरबा भिसी
 १३ दिन दोना सुत्केरीला धिमरी निबा
 लमुला। होदे बेला दोना सुत्केरी ज्याबा तजी
 कि आतनी भिसी था याड्बा मुला।



डङ्ड जैले कोलकत्ता तिक पिन्बा, खहड
 लसी चबा स्है पिन्बा, खहड लसी स्याहार
 लबा, गर्भवती म्रिडम्हेमादेन न्हे ख्वाबा
 आमसे जहिलेन दिन दिन चबा भन्दा लहानन
 चबा स्है चदोबा भिबा तामकते लोप्मुला।



उदि गाहो तामगाते मुसाम स्वास्थ्य
चौकीरी निबारी सल्लाह पिन्बा लमुला।



डाच्छा हड टिटानस रोगला समस्या
तिनड्गर आरे। तिबरी भिसम जम्मन
म्रिडम्हेमासे टिटानस आतबा सुई लगब
लसी जिहन्बा मुला।

सुत्केरी तबा बेलारी पेदे थाबारी ज्याबा
सामान चलब लमुला।

तिनड्गर नाम्सारी डाच्छा हड लहानन
कोला याडबा चलन आरे।


तिबरी भिसम लहानन हडबा
म्रिडम्हेमासे परिवार नियोजन लबा मुला।
होच्छे हेम्बोसेएन कोला आतगै भिसी
अप्रेसन लमुला।

डाच्छा डाच्छा भामे न्हमा हेला लसी
ज्याना स्याहार आलबा मुबा। होच्छे लमा
थेनकते जजारीन सिबा मुबा। तर
तिनड्गरओसबा आरे।



भामे तै ज्याना च्याबा सोबा लमुला।

लहानन हडं धिमकतेरी घुरेनप्राडं
मुबासेलमा गर्भवती मिडम्हेमाकत्से
पोसिलोदेन आलो खु चबारी याडं मुला।



डु सुडेनी तबासेलमा डुला जहानरी
लहानन ज्याबा तबा मुला।

डुला जहानरी जम्मनजना ज्याबा मुला।
ताड्बा मुला। सफा लबारीएन ज्याना सेम
लबा मुला। डएन ताड्बा मुला।

नाना आडाला जोबन(जीवन) भन
भन ज्याबा तबा च्याबा सेम मुला।


धोसिएन तालिम याड्सम थेरी निसी
छार ताम लोप्बा सेम मुला। हड्से सेबा ताम
अर्गुदा लोप्बा सेमएन मुला।

डुला हेम्बोसे डुदा नाम्साला नाना
आडादा हो(सहयोग) लबारी हौसला
पिन्मुला। चु डुला ग्यात हिन्ना भिसी सुड्बा
मुला।



यिन्ना नाम्सारी स्वास्थ्य चौकीगाते
लहानन च्याड्ना मुला। तोबा बेलारी मान
लबारी आखम्बा मुला।

लहानन हड कोला धिमरी न्हदोबा
 मुला। तर अनुभब आरेबा म्हिसे सुडेनीला
 ग्यात लमा सुत्केरीला जीउ निबारी खम्बा
 मुला। होच्छेलमा नाम्सा टोलला सेम मुबा
 म्रिडम्हेमादा सुडेनीला तालिम पिन्बा लहानन
 ज्याबा ताम हिन्ना।



देव लक्ष्मी थिड ललितपुर जिल्लाला
 प्यूटार गा.वि.स.री वि.सं.१९८८री केबा
 हिन्ना। डाच्छा होसे सुडेनीला ग्यात हडला
 आमा ग्याम लोप्सी स्युबा मुबा।

आमादेन कोलाला लागिरी तोबा तामगकते:

१. गर्भवती (जीउन्ही) तबा बेलारी पोसिलो चबा चदोबा मुला। पिंडगै उहुर खुकते, फलफूलदेन ल्हानन प्रोटिन मुबा- दाल, तम्रा, दहि, मोठेकतेरी प्रोटिन याड्मुला। होच्छेम आयोडिन याड्बा चचाएन चदोबा मुला।
२. गर्भवतीदेन सुत्केरीदा ज्याना लबाला लागिरी तालिम किन्सी स्वास्थ्यरी ग्यात लबा म्हिदेन सल्लाह किन्दोबा मुला।
३. टिटानस सुई गर्भवती तमा नी, कोला न्हमाहेन्छे अर्गु गिक रोप्दोबा मुला।
४. धिम नड्री ज्याबा, म्रड्बा, हावा खबा ग्लारी सुत्केरी लदोबा मुला।

५. कोला न्हबाहेन्छे आमाला न्हेला मुन्टा सफा लसी कोलकत्दा न्हे ख्वादोमुला। होच्छेलमा पाठेघर खुम्चब तमुला, का बगब तबाएन रोकब तमुला।

६. डाच्छाला बिगौती न्हेरी रोगदा डाबा शक्ती तमुला। होच्छे लमा कोला न्हबन छ्याम बिगौती न्हे कोलदा ख्वादोमुला।

७. डाच्छाला कोला नी दिङ्ला तमाहेन्छे जेन अर्गु कोला फोरी मुबा ज्याबा हिन्ना। सोमखेब भन्दा ल्हानन गर्भवती (जीउन्ही) तबा ज्याबा आहिन।

८. १६ बर्ष भन्दा जजा उमेरी, होच्छे ३५ बर्ष भन्दा ल्हानन उमेरी गर्भवती तबारी आतामुला। ज्याबा खाला परिवार नियोजनला समान लगब लसी गर्भवती तबा ग्यामसे जोगब तबारी खम्मुला।

६. सुत्केरीला का बढब तबारी मानदेन
भिटामिन "ए" पिन्सम आमदेन कोला
नीला स्वास्थ्य ज्याबा तमुला।

१०. गर्भवती(जीउन्ही)देन सुत्केरी
म्रिडम्हेमादा गाहो तबा ताम म्राङ्गसाम
योना लसी डम्ला स्वास्थ्य चौकिरी
बोर्दोबा मुला। गाहो भिबा चा चुहङ्ग्बा
हिन्ना -

- का निबा

- छवा खबा

- थोबो ल्हानन स्हुखबा

- हेड्बा व्यथा लगब तमा(डाच्छाला
कोलाला लागिरी १८ घण्टा, कोला नीला
पालोरी १२ घण्टा भन्दा ल्हानन)

- कोला न्हसी साल आताइसम

- न्हसी जिह्नमाहेनछे कोलसे सा फेर्बा
लबारी आखम्सम, आमला न्हे थुड्बारी
आखम्सम, कोलाला जिउ ल्हानन चिसो
अथवा लेप्पा मुसम

ड्योत्बा छाबा लउ

१. देव लक्ष्मी थिङ तिक ग्यात लसी स्युबा मुला?
२. देव लक्ष्मीला ब्याह गदे बर्षला उमेररी तबा मुबा?
३. देव लक्ष्मीसे जा भामे गदे न्हबा मुबा?
४. देव लक्ष्मीला भामेकते तिक ग्यात लमुला?
५. देव लक्ष्मीला हेम्बो तिक ग्यात लमुला?
६. देव लक्ष्मीसे गदे बर्ष डाच्छा सुडेनीला तालिम किन्बा मुबा?
७. सुडेनीला तालिम खजिबा परियोजनासे पिनबा मुबा?
८. व्यथा लगधिमाहेनछे कोला न्हबा भिसी पाड्बारी तिबरी आतबा मुला?
९. सुत्केरी लबारी तिक तिक ज्याबा लदोबा मुला?
१०. सुत्केरी लमाहेनछे तिगदा देव लक्ष्मीसे पैसा आकिन्नी?
११. देव लक्ष्मी सुडेनी तसी हड्ला नाम्सारी खत्बा मदत तबा मुला?
१२. २० बर्ष डाच्छा मिडम्हेमा गिक तिक तसी सिबा मुबा?
१३. सुत्केरी लबादेन अर्गु तिक तिक ग्यात देव लक्ष्मीसे लबा मुला?
१४. तिनड्गर देव लक्ष्मीला नाम्सा खत्बा तबा मुला?
१५. हड्ला नाम्साला सुडेनीला मिन तिक हिन्ना?

चु किताब

थापथालीरी मुबा

युनाइटेड मिशन टु नेपाल (UMN)ला

ए. जि. एन. डब्ल्यु (AGNW: Advisory Group on Nepali
Woman)से

मदत पिनसी स्होबा हिन्ना।